

Hringbrautarverkefnið – staða framkvæmda

- **Framkvæmdir við uppsetningu vinnubúða ganga vel, fyrstu húsin þegar reist**
- **Aðgangsstýringar mikilvægar á vinnubúðareit**
- **Starfsmenn framkvæmdasviðs NLSH, kynning á stafrænni tækni**
- **Framkvæmdir sunnan og vestan við Eirberg**
- **Framkvæmdir við bílastæði á lóð Landspítala við Kringlu**

Framkvæmdir við uppsetningu vinnubúða ganga vel, fyrstu húsin þegar reist



Yfirlitsmynd, séð yfir vinnubúðareit og yfir lóð Landspítala
Fyrsta húsaþyrpingin risin norðan við trjálundinn



Unnið við frágang á frárennslislögnum fyrir
eldhús og aðra stoðþjónustu




Unnið við að setja niður rafmagnskassa á
vinnusvæðinu

Góður gangur hefur verið í framkvæmdum á framtíðarvinnubúðum vegna uppsteypu á nýjum meðferðarkjarna. Unnið er á nokkrum stöðum við uppsetningu á vinnubúðunum. Búið er að malbika götur og ganga frá frárennslislögnum.



Fyrstu húsin voru afhent í vikunni



Fyrstu húsin sett á sinn stað eitt af öðru

Fyrstu húsin á vinnubúðareit hafa verið reist en á svæðinu munu rísa húseiningar með um 30 húsum undir matsal, fatarými, eldhús, efnislager, hreinlætisaðstöðu og fyrir aðra stoðþjónustu vegna uppsteypuverkefnisins.

„hvert hús er um 14,4 fermetrar og á næstu dögum munum við vinna við samsetningu á þeim,“ segir Magnús Magnússon byggingarstjóri hjá Terra verktökum en fyrirtækið hefur umsjón með verkinu.



Samsetning á fyrstu sjö húsunum á vinnubúðareit, séð til norðurs að gamla Landspítala



Húsaþyrringin, séð að Læknagarði

Snókur jarðvinnuverktaki, sem aðstoðar Terra verktaka við jarðvinnu á svæðinu, er að ljúka frágangi á svæðinu.

„Við erum að leggja lokahönd á vinnubúðasvæðið sjálf og færum okkur yfir á vestursvæðið á næstu dögum. Þar verður sett niður safnþró og steyptar undirstöður undir aðgangshlið ásamt yfirborðsfrágangi.


Á næstu dögum verða settir upp ljósakúplar á ljósastaura ásamt því að rafkerfið verður tengt við nýuppsetta dreifistöð í suðausturhorni vinnusvæðis,“ segir Sigurður Arnar Sigurðsson hjá Snókur verktökum.

Nú standa einnig yfir innkaup á búnaði í formlegu innkaupaferli og Eykt ehf, sem er framkvæmdaaðili á uppsteypuverkefninu, er að hefja undirbúning á sínum vinnubúðum á reitnum sem og NLSH ohf. sem mun flytja alla starfsemi sína á reitinn í byrjun mars á næsta ári.

Stefnt er að því að uppsetningu húseininganna ljúki á næstu vikum með endanlegum frágangi.

(Sjá nr. 1 á korti)

Aðgangsstýringar mikilvægar á framkvæmdasvæði



Rafræn aðgangshlið eru mikilvægur öryggisþáttur á framkvæmdasvæðinu

Unnið er af fullum krafti við uppsetningu aðgangs- og öryggishliða sem koma frá Öryggisgirðingu. Steinar Þór Bachmann, rekstrarstjóri framkvæmdasviðs NLSH, segir að hliðin séu níu samtals, fimm aksturshlið og fjögur gönguhlið.

„Hliðin eru stór hluti af því að tryggja öryggi og mikilvæga aðgangsstýringu á svæðinu, notaðar eru stafrænar lausnir til að komast inn og út af framkvæmdasvæðinu. Allir þeir sem koma að verkinu, starfsmenn, tæki og aðföng eru skráð bæði inn og út af framkvæmdasvæðinu og því er tryggt að enginn verður eftir í lok dags. Þannig fáum við yfirsýn yfir það sem er að gerast á svæðinu sem eykur öryggi. Ekki verður veittur aðgangur að svæðinu nema hafa sótt öryggisnámskeið,“ segir Steinar.

Starfsmenn framkvæmdasviðs NLSH, kynning á stafrænni tækni til notkunar á framkvæmdatíma



Starfsmenn framkvæmdasviðs NLSH eru að skoða hvernig nýta megi sem best stafræna tækni við framkvæmdir félagsins.

Kynning var haldin frá fyrirtækinu Ísmar á nýri stafrænni tækni þar sem hægt er að skoða á verkstað stafræn BIM líkön af viðkomandi mannvirkjum áður en þau eru byggð.

Um er að ræða svokallaðan viðbættan veruleika (e. Aumented Reality), þar sem tækið er með innbyggt GPS staðsetningarkerfi sem leggur stafræna BIM líkanið ofan á umhverfið. Þannig er hægt að staðsetja einstaka mannvirkjahluta sem og mannvirkioð í heild og sjá hvernig það kemur til með að líta út áður en það er byggt.



Frá kynningu í grunni meðferðarkjarnans



Starfsmenn framkvæmdasviðs NLSH

Framkvæmdir sunnan og vestan við Eirberg



Unnið við hellulagningu vestan við Eirberg

Unnið er við að klára hellulagningu og við uppsetningu á handriðum vestan við Eirberg. Verklok eru áætluð í desember.

(Sjá nr. 2 á korti)

Framkvæmdir við bílastæði á lóð Landspítala við Kringlu


Þessi verkhlti er í bið.

Eftir er að ganga frá handriðum við bílastæðið sunnan við Kringlu og meðfram gönguleiðinni sunnan við gamla spítala.

(Sjá nr. 3 á korti)

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Stefán Hrafn Hagalín 897 3644 stefanhh@landspitali.is og frá Háskóla Íslands Björn Gíslason 896 0876 bgisla@hi.is